

**ZAPISNIK
SA 23 PROŠIRENE ON LINE SJEDNICE UPRAVNOG ODBORA
UDRUŽENJA POSLODAVACA FBIH**

održane dana 22.09.2020. godine (utorak), sa početkom u 12:00 sati, putem ZOOM aplikacije

Sjednici su prisustvovali članovi Upravnog odbora UPFBiH: Safudin Čengiđ, Kemal Hrnjić, Kemal Čolak, Ante Suton, Šejla Bojadžija, Ivan Ljubić, Adisa Karahodžić, Suad Ećo i Nijaz Skenderagić

Sjednici su po ovlaštenju člana Upravnog odbora UPFBiH prisustvovali: Samir Alić (po ovlaštenju Snježana Kopruner), Esad Palidija (po ovlaštenju Rusmira Hrvica), Darko Josipović (po ovlaštenju Davor Čičić) i Nihad Begić (po ovlaštenju Stjepana Kumrića).

Sjednici nisu prisustvovali članovi Upravnog odbora UPFBiH: Adnan Smailbegović, Nurdin Peštalić, Eldin Hadžiselimović, Krasnodar Darko Petrović, Vilim Primorac, Mario Čulina i Ramiz Grapkić.

Sjednici su pored članova UO članovi ESV-a Edin Ibrahimpašić i Zoran Gazibarić.

Ispred UP FBIH: Mladen Pandurević i Mersiha Jusić.

Obzirom da je predsjednik UO Adnan Smailbegović najavio moguće odsustvo svi prisutni su se složili da sjednicom predsjedava Mladen Pandurević, direktor UPFBiH.

Sjednicu je otvorio direktor UP FBIH Mladen Pandurević i predložio slijedeći:

DNEVNI RED

- 1. Usvajanje Zapisnika sa 22 proširene sjednice Upravnog odbora UPFBiH;**
- 2. Odluka o obustavi saobraćaja na magistralnoj cesti M-17 zbog početka radova na rekonstrukciji tunela „Crnaja“;**
- 3. Informacija o aktivnostima UPFBiH vezano za „Prijedlog seta mjera za saniranje ekonomskih posljedica pandemije koronavirusa“;**
- 4. Potvrđivanje Odluka Izvršnog odbora:**
 - a) Odluka o imenovanju/reimenovanju predstavnika UPFBiH za člana UO FIPA-e broj 155/ 20 od 21.07.2020.godine;
 - b) Odluka za učešće u Projektu „Moj proizvod“ broj 155-1/20 od 21.07.2020.godine;

5. Razmatranje materijala dnevnog reda ESV-a;

- a) Zapisnika sa nastavka 4.(124.) sjednice ESV-a;
- b) Zakon o fiskalnom sistemu;
- c) Konsultacije o setu fiskalnih zakona:
 - Zakon o doprinosima,
 - Zakon o dohotku,
 - Zakon o dobiti

6. Usvajanje Odluke o izmjeni i dopuni Odluke o osnivanju „Edukacionog centra“;

7. Tekuća pitanja

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa 22 proširene sjednice UO UP FBiH

Direktor je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi

A.D.1.1: Zapisnik sa 22. proširene sjednice UO UP FBiH je jednoglasno usvojen.

Tačka 2. Odluka o obustavi saobraćaja na magistralnoj cesti M-17 zbog početka radova na rekonstrukciji tunela „Crnaja“;

U okviru ove tačke dnevnog reda direktor je upoznao prisutne da je Udruženje poslodavaca u FBiH u proteklom periodu pokrenulo aktivnosti za obustavu rekonstrukcije radova na tunelu Crnaja obzirom da će obustava saobraćaja izazvati nesagledive štete na bh privredu.

Naime, Udruženje poslodavaca FBiH je od Vlade FBiH zatražilo prolongiranje početka radova na rekonstrukciji ovog tunela i obustave saobraćaja na magistralnoj cesti M-17 koja povezuje sjever i jug Bosne i Hercegovine i zatražen je sastanak sa premijerom Vlade FBiH koji do danas nije održan. Direktor UPFBiH Mladen Pandurević podsjetio je članove da je na zajedničkom sastanku predstavnika UPFBiH, Vlade FBiH i nadležnih tijela zaduženih za saobraćajnice, održanom prošle godine, dogovoreno da se gradi novi tunel, a ne rekonstruira postojeći.

Nakon reakcije UPFBiH, Vlada Federacije Bosne i Hercegovine je usvojila zaključak kojim se JP „Ceste Federacije Bosne i Hercegovine“ zadužuje da razmotri mogućnost odgode početka provedbe Programa „Modernizacije magistralnih cesta Federacije BiH“ te da simuliranjem

izvođenja radova u tunelu „Crnaja“ izvrši dodatna snimanja intenziteta prometa naizmjeničnim propuštanjem vozila, a da tek nakon toga predloži dinamiku izvođenja stvarnih radova.

Svi prisutni su učestvovali u raspravi.

Nakon diskusije doneseni su sljedeći zaključci:

A.D. 2.1. UPFBiH će pokušati napraviti koordinaciju sa Privrednom komorom FBiH i Vanjskotrgovinskom komorom BiH, a kako bi zajednički djelovali u rješavanju ovog problema. Safudin Čengiđ, član UO će pomoći u uspostavljanju koordinisanog djelovanja sa navedenim institucijama.

A.D. 2.2. UPFBiH će osmisliti i pripremiti medijsku kampanju na dnevnoj i dvodnevnoj reakciji, na način da saopćenja idu ispred kantonalnih i sektorskih grupacija.

A.D. 2.3. Ponovno zatražiti sastanak sa premijerom Vlade FBiH, te zatražiti sastanak sa ministrom prometa i komunikacija FBiH Denisom Lasićem.

Tačka 3. Informacija o aktivnostima UPFBiH vezano za „Prijedlog seta mjera za saniranje ekonomskih posljedica pandemije koronavirusa“;

Mladen Pandurević je izvijestio članove o poduzetim aktivnostima u vezi sa Prijedlogom seta mjera za saniranje ekonomskih posljedica pandemije koronavirusa. Podsjetio je da je Udruženje sačinilo set mjera koji podrazumijeva kratkoročne, srednjoročne i drugoročne mjere, a koji su podržali predstavnici međunarodnih organizacija u BiH kao i čelnici političkih stranaka koje su formirale Vladu Federacije Bosne i Hercegovine.

Dalje je istakao da je potrebno lobiranje u smislu da se navedeni set mjera usvoji. Potrebno ići na nekoliko konkretnih mjera koji bi išli u pravcu smanjenja opterećenja poslovanja, kao što je donošenje izmjena i dopuna Zakona o doprinosima, Zakona o porezu na dohodak i Zakonu o porezu na dobit.

Svi prisutni su učestvovali u diskusiji ističući da podržavaju dosadašnje aktivnosti.

Nakon diskusije doneseni su sljedeći zaključci:

A.D. 3.1. UPFBiH treba osmisliti prijedlog seta mjera koji će biti dostavljen svim članovima UO na izjašnjenje a nakon toga Vladi na razmatranje.

Tačka 4. Potvrđivanje Odluka Izvršnog odbora:

- c) Odluka o imenovanju/reimenovanju predstavnika UPFBiH za člana UO FIPA-e broj 155/ 20 od 21.07.2020.godine;
- d) Odluka za učešće u Projektu „Moj proizvod“ broj 155-1/20 od 21.07.2020.godine;

Direktor Mladen Pandurević je istakao da prema odredbama Statuta UPFBiH UO je dužan da na prvoj narednoj sjednici da potvrdi Odluke koje je donio IO iz nadležnosti UO. U tom smislu potrebno je potvrditi navedene Odluke koje su dostavljene u materijalima.

Nakon glasanja doneseni su sljedeći zaključci:

A.D. 4.1. UO je jednoglasno potvrdio Odluku o imenovanju/reimenovanju predstavnika UPFBiH za člana UO FIPA-e broj 155/ 20 od 21.07.2020.godine

A.D. 4.2. UO je jednoglasno potvrdio Odluku za učešće u Projektu „Moj proizvod“ broj 155-1/20 od 21.07.2020.godine;

Tačka 5. Razmatranje materijala dnevnog reda ESV-a;

- d) Zapisnika sa nastavka 4.(124.) sjednice ESV-a;
- e) Zakon o fiskalnom sistemu;
- f) Konsultacije o setu fiskalnih zakona:
 - Zakon o doprinosima,
 - Zakon o dohotku,
 - Zakon o dobiti

Direktor Pandurević je upoznao prisutne o dnevnom redu i materijalima za sljedeću sjednicu Esv-a koja je zakazana za oktobar. Razmatrajući materijale direktor UPFBiH je obavijestio da su u Prijedlogu o izmjenama i dopunama Zakona o fiskalnim sistemima djelomično usvojeni prijedlozi Udruženja. Udruženje će i dalje insistirati na usvajanju 1/3 prijedloga UPFBiH koji nisu usvojeni a koji će, ukoliko se usvoje, bitno olakšati i unaprijediti poslovanje iz ove oblasti. Kada je u pitanju donošenje seta fiskalnih zakona (Zakon o doprinosima, Zakon o porezu na dohodak i Zakon o porezu na dobit) u raspravi je predloženo da i dalje treba ostati pri zahtjevima da donošenje zakona mora imati za cilj rasterećenje privrede i smanjenje opterećenja a ne neutralni efekat, jer uopće nije potrebno donositi zakone koji će imati takav efekat.

Nakon diskusije donesen je sljedeći zaključak:

A.D. 5.1. Upravni odbor je jednoglasno zauzeo stav kada je u pitanju Zakon o fiskalizaciji da će Udruženje i dalje insistirati na usvajanju 1/3 prijedloga UPFBiH koji nisu usvojeni a koji će, ukoliko se usvoje, bitno olakšati i unaprijediti poslovanje iz ove oblasti.

A.D. 5.2. UO Udruženje poslodavaca FBiH je zauzeo jedinstven stav da će, kada je u pitanju donošenje seta fiskalnih zakona (Zakon o doprinosima, Zakon o porezu na dohodak i Zakon o porezu na dobit), i dalje ostati pri zahtjevima da donošenje zakona mora imati za cilj rasterećenje privrede i smanjenje opterećenja a ne neutralni efekat, jer uopće nije potrebno donositi zakone koji će imati takav efekat.

Tačka 6. Usvajanje Odluke o izmjeni i dopuni Odluke o osnivanju „Edukacionog centra“;

Vežano za ovu tačku dnevnog reda direktor je upoznao prisutne da je Odluka o formiranju centra donesena još 2015. godine. Međutim, zbog određenih zahtjeva u skladu sa Zakonom je potrebno Odluku izmjeniti i ubaciti tražene podatke. Također, istakao je da je cilj uspostave Centra za edukaciju osposobljavanje, prekvalifikacija i dokvalifikacija deficitarnih kadrova, a planirano je da UPFBiH sprovodi teoretski dio obuke, a da se praktični dio obuke održava u kompanijama članicama s kojima će se potpisasti ugovori o saradnji.

Članovi UO su pozdravili i podržali ideju osivanja Centra.

Nakon diskusije donesen je sljedeći zaključak:

A.D. 6.1. UO je jednoglasno usvojio Odluku o izmjenama i dopunama Odluke o osnivanju edukacionog centra.

Tačka 7. Tekuća pitanja;

Pod tekućim pitanjima nije bilo rasprave.

Sjednica je završena u 13:30 sati.

Zapisnik sačinila:

Mersiha Jusić, sekretar

PREDSJEDNIK UPRAVNOG ODBORA
Adnan Smailbegović, s.r.